

淵

于

集

澗于集

詩卷三目錄

天津別章夢所

酬竹坡

送張十一曾敷出守湖南

春暮就戊叔憲抑仲公瑕子涵健庵送至淀園

健庵送余灌石意殊不憚以詩廣之用東坡貶黃

子由來陳三日而別韻

居庸

響水梁

謫居

登雲泉山

取雲泉寺二泉煮茶山僧請詩

夢所寄詩六絕依韻答之

鳳姬忌日作詩奠之

乙酉五日

五月旣望出塞宿陶賴廟階前有芍藥兩叢晨起  
忽放一花山僧索詩

佩綸攝御史臺時合肥贈以舊乘青驄蓋良馬也  
就戍時盡賣車贏充資用獨留馬都下國人辭  
去家以贐糲不給告乃歸之合肥而以小詩賸  
焉

和公瑕移居

寄張十一曾敷

和東坡安期生

并引

出次察罕陀羅海五月二十六日都統急劄追還  
記事

遷居城南

塞上食物將盡得乾魚數番下酒醉中作

用歐陽子斑斑林閒鳩韻寄內

寄題子涵槐陰靜憩圖次韻

再次韻寄子涵

成山獄中寄和陶賴芍藥詩次韻奉答

六月新晴步梅氏菜圃用坡雨後行菜圃韻

子峨秋達戍所

塞上秋熱用王荊公韻

張萬全餽蟹王都司致菜各系以詩

白翎雀歌子峨坐中作

并序

讀管子十首

寄章夢所時以知府留直隸仍參使幕

謝公瑕寄張字專記

竹坡見夢用杜工部夢李白韻索和

夢所以塞上無書假余日本影宋廣韻麻沙本杜  
詩余求程易疇通藝錄汪仲伊大令同在使幕  
慨然輟贈與余初未相識也復用前韻寄夢所

並謝仲伊

和東坡石炭

奉懷河南公入覲

昌隆寺孤松

丙戌上元

甌脫

春雪

微風

曼農省余塞上同游雲泉寺爲別用東坡與子由

同游寒溪西山韻

酬吳清卿副憲兼懷誼卿

夢所來守宣化過郡話舊賦贈

墨莊芍藥盛開夢所太守賞花一絕流誦邊城比

余至則花事已闌矣用原韻口占斷句榮悴不

同工拙遂異聊以解嘲而已

孝達前輩致海南香雷州葛

買得繡球兩盆

賀子峨得孫用坡公賀子由生第四孫斗老韻

夢所過塞上留宿劇談戲成四絕

贈李紀堂孝廉兼示兩兒用昌黎符讀書城南韻

丙戌重九用坡丙子重九韻

薄暮石秀才儒珍自宣鎮至欲陪余登雲泉山不

果呼酒夜酌復用前韻贈之

自笑

夢所贈雙鴨籠而還之用東坡章質夫送酒六壺

不至韻

過軒祠有感

夢所招余過郡欲補重九登高之約王總兵聞守  
有客攜酒就飲亦無忤也醉中口占示夢所

和夢所居庸九日韻

讀莊子十首

當歸酒歌

當歸酒詩和者甚衆復以二絕寄夢所

夢所書來盛稱新室之美促余過郡戲成長句

北海軒十首

乙酉季冬樂山撫部寄惠河曲冰魚徵詩甚急書  
爲驛吏所誤踰年始達塞上時樂山已開府湖  
北矣戲成一律寄之

哭李紀堂



以文選善注授阿復並簡夢所

獨游昌隆寺哭洪琴溪

讀易

夢所招賞墨莊芍藥仍用前韻卻之

夢所開射堂爲圃屢寄嘉蔬賦謝

夢所和前詩並寄佳果新豆次韻奉謝

五月韋儒至塞上出詩相慰即用其韻

始得伯潛書時築室石鼓山中以詩寄懷

孝達以蜜漬荔支餉公瑕公瑕分贈塞上並寄墨

荔畫扇謝孝達及見懷二律次韻報之

謝夢所贈瓜蓮藕

夢所治藥兒嶺工竣遂修居庸石道寄詩美之

右臂作痛彌月歌以起之

雁十首

飲酒

以鼯鼠鬚寄公瑕作筆

長城

夢所贈菊用原韻奉謝

寄高陽師時奉命鄭州行河

東坡生日用覃谿庚申韻

哭夢所

再哭夢所

酬子壽文

五泉詩

讀三國志

酬伯潛山中寄懷原韻

釋戎將歸寄謝合肥相國

別察罕用坡公別黃州韻

張口瀕行志壁

張口

山鼎館

易窗

書庫

饒爲齋

茶竈

菊畦

東鄰

西鄰

鎮遠城樓

范氏蒲桃園

營城寺

別子峨

別石秀才用山谷次石七三韻七首

歸次居庸

追悼

澗于集詩卷三目錄

潤于集

詩之三

古今體詩一百九十八首

起光緒乙酉歲赴戌日終光緒戊子歲釋戌日

天津別章夢所

雷雨英雄坐杯來酒一升

是日合肥

憐才嗟杜甫觸禁

送楊憑古有在敍鳳君看止棘蠅依依官道柳惜別舞

難勝

別於柳園

酬竹坡

明明

聖母仁納言超百代殷憂啟吾

皇抗直推前

輩慚余附瞽矇小邦例自節發口動激切有容德乃大

至今敢諫鼓仍布堯門外凡禽豢靈囿忘機隨鳳翩一

入人閒世觸翼皆關械顧義謝章華賦工亦終退表餌

吾術疏奚疑絳灌害猶荷天網寬螭魅禦近塞已知輕

毛錐何敢恥戈投如公一節長有道忍錮廢顯晦吁有  
時光垢勇礪淬

溝瀆且爲諒況死兒女子固知東山游不在屏聲伎荒  
徑鉾無儲閑情亦心累緊君宗室良忠誠漢中壘一朝  
清宴閒九卿且特起願習洪範傳憂危副上悵借令  
畎畝終簡易慎儀止教子經行兼浮夸屏左氏

甘井必先竭直木必先伐君子蓄德輝焉能禍生忽禍  
來即無門內訟勤攻闕不見汪汪陂翕受赴溟渤亦有  
九九松修陰解宛暘明膏不自煎何患毀銷骨有馬謹  
我銜東野豈一蹶有璞被我褐和氏豈再刖藏深貌若  
愚持滿辨能訥苦言味如醴不飲醉兀兀

舊侶或契闊少年孰輸心相愛祇蛩駘相治如砭鍼解

我短後衣當曾襲良箴嗚呼交道薄對面九疑深嚶嚶  
悅同響忽焉谷風吟天時有羸縮人事有升沈希古慎  
終始不泐同精金歌成即長路四坐皆霑襟

送張十一曾敷出守湖南

此行豈是厭承明葭菼湖波遠宦情揚震有孫知祖德  
阮咸出守爲時名秋心依斗京華迴猛志開雲嶽麓晴  
剽悍莫輕全楚俗盡收刀劍事深耕

萬里投荒過國門逢君此日下湘江書傳朔漠愁迴雁  
夢落南天感斷猿地小未宜矜舞袖口開祇合倒金樽  
短衣射虎吾猶壯多事長沙弔屈原

春暮就成叔憲抑仲公瑕子涵健庵送至淀園

年年祖餞碾坊塵朝是青雲暮逐臣橫海新軍誰習戰

曲江廢苑尚留春城隅銅狄三朝感門外驪駒獨戍人  
豆粥巾車時請念當筵肯復泣沈淪

健庵送余灌石意殊不憚以詩廣之用東坡貶黃  
子由來陳三日而別韻

孟明不死敗夷吾不恥囚忍辱就吾志瞻涕爲君憂需  
須事之賊一蕢當洪流翻授讒慝口木沈石可浮破甑  
那復顧牽機胡未休我畫不成虎伏阱幾見收子今即  
成鵠分林倦安投人或勸著書著書亦半愁不如材不  
材自處師莊周曳塗龜老壽成思狗執留攘心息六鑿  
復撲天與游亦知仕爲養頗計乞一州舉家幸能貧於  
世誠何求秫田或可致吾歸有糟邱

居庸



落日黃沙古候臺清時詞客幾人來八陁列成風雲闊  
重驛通商鎖鑰開暮獸曉禽催旅夢長槍大戟論邊才  
從今咫尺天都遠疲馬當關首屢迴

響水梁

百折終歸海徐之濁亦清如何微搏激便作不平鳴

謫居

清時乘障謫居安六拍悲笳且罷彈牛血謂能明蔣琬  
紀夢烏頭何惜誓燕丹短衣離地興臺笑芒屨循溪父老  
看九死孤臣親齧雪恩深未覺塞堠寒

登雲泉山

頑山不能飛偃強居庸外石骨立如人無乃天所拔巖  
枯赭頂髡樹蝕蒼皮疥嗟余勞者閒登高洗塵壒思理

仇池耕或蓄黃溪黛芒屨窮深幽一覽興爲敗秦餘地  
脈絕那復蘊靈怪忽躡最上層遠勢收障塞閭闔若可  
呼代雲盡破碎脩然涉遐想山靈問興廢穆穆軒皇神  
寶符開草昧垢掃風后塵雷薄蚩尤鎧何方六相辨何  
地萬靈會圖經今不傳古都遂荒穢繆悠漢以來以意  
斷三代手上明堂圖或取黃茅蓋紛紛紀封巡強屬華  
與岱我疑鴻濛初河山此襟帶焉知孤峰奇松栝不煙  
靄支離直寄耳神全德於內皇古泉仍寒厯劫石不壞  
猶扼薊門吮直抱太行背大雲起如磐四郊雨滂沛終  
完補天心豈藉牲玉饗

取雲泉寺二泉煮茶山僧請詩

罷民渴馬天猶憐長城之下往往泉義鞭鄒律不到處

中有太古藏凌堅中穴何人佩刀斷石骨兩穴鍾乳時  
涓涓異出同味冽可食冷脂下滴珠旁濺種落嗜茶別  
有意酪奴誰沃清流煎賜龍雲腴賸殘餅矜惜自守甌  
鹽前腸胃空明本無垢投以巖苦彌疏宣微嫌破睡夜  
悲角坐令耿耿心憂邊山僧煩惱泉未顯無乃窟處甘  
幽偏餘愚辱谿亦何夢流髓非石誰與仙強將洞酌立  
名字恐有好事頑巖鐫薨豎就飲野禽浴兩忘清濁全  
其天

夢所寄詩六絕依韻答之

薊樹東枝塞柳西一封上谷載青泥壯夫肯恥長城窟  
考牧猶肥馬萬蹄

名聲韁鎖誰羈絡勲業彤茲亦等閒便借築巖成大隱

勅兒家事莫相關

流傳臣亮街亭表天鑒春秋督咎心未學鳳雛輕一死

平生梁父恨孤吟

絳侯不解結袁絲劉柳從來善退之恩怨一身何足校

羣公平賊是匡時

熏盡衙香典賜裘擲冠學士配軍頭故人書到渾無酒

寂寞溪山感獨游

拈詩已訝筆如神夢赦難分想與因卻笑拾遺膠漆地

頻年關塞憶累臣

謂洪琴西及余

鳳姬忌日作詩奠之

舊情孤想起長吁曉酒熏衣著意飭五日單絲難續命

三春墜翮不成雛愛緣定少堅牢玉英物空嘲汗血駒

小袖雲藍同一夢六如亭外感髯蘇

乙酉五日

淹留忽已七端午逼迫今成一老兵早辦布衣思避世  
其先見殆如薺蔡終連草索負平生五絲不授延年  
訣八表空垂續史名坐攬鬢毛邊角起汨羅平屈儻同  
情

五月既望出塞宿陶賴廟階有芍藥兩叢晨起忽  
放一花山僧索詩

童山鮮繇條裔壤無秫稭浮埃雜腥臊亂礫恣揚簸清  
梵警勞人空籠應騾馱中休得茅庵理具倦思臥循階  
簇芳叢細蕊攢箇箇立月神忘疲辨曉僧起賀年年夏  
五寒雨潤苞未破一花忽嫣然媚客嬌無那麗質善矜

持獨笑慰坎坷顏色奪閼氏禪心淨達磨山僧自歎惜  
灌溉日勤課笑騎幾蹴踏孤根欲芻莖猶入馬肝煮誰  
解熊臠和我感風人辭香草名夙播陋儒鼻苦塞無香  
強詆挫況淩冰雪嚴能避泥沙浣江南三四月萬紫圍  
宴坐珊瑚不輕碎盤盂不忍唾鬪豔闌砌閒盛會恩恩  
過遙情結省闈瑞物出堦堞殿春不爭春寂寞晚開大  
鳴鷗尚羣飛飄零慨賓佐風塵獨呼酒老兵半戍邏便  
欲簪花歸從人笑輕嬾

佩綸攝御史臺時合肥贈以舊乘青驄蓋良馬也  
就戍時盡賣車贏充資用獨留馬都下園人辭  
去家以贐糒不給告乃歸之合肥而以小詩媵  
焉

枉副花州事令公路旁蓬轉入臺驄較量芻秣騶奴辱  
駕馭英雄將相功姑忍騏驎行地上早思款段苦軍中  
低頭舊園青絲絡莫憶龍沙向北風

和公瑕移居

記走蘭臺馬曾通曲徑幽避囂大夸宅感舊獨登樓罪  
已邱山構功無尺寸收卜居吾未暇木偶任漂流

黃州無一事似我此時情春枕于延雨開門插漢晴乳

羝慚故節省蝮葺吾楹只少銜來子名花糞壤生新居有前

明海棠兩株乃陸文裕故宅故以  
定惠自剏和移居寄大人韻

故人俱不利徒傍叔孫牆談笑何經典飛騰有劍光納

餽通請室累甃運中唐嘗膽吾曹事籌邊在久長和移居上

成山

舊預慈明酒羣賢醉墮簪波濤魚服賤門巷爵羅深箕  
柄空搖舌葵根不改心天涯仍洽比腰笛送南音和移居見

寄韻並上十二丈

寄張十一曾敷

踐蛇茹蠱厭喧卑柳口扁舟定幾時卻羨功曹張十一  
宦游棹入退之詩

漁詠浮鍾渚谷幽蠻煙谿瘴淨壺頭爲君暗數湖南郡  
猶勝衡州與永州

和東坡安期生

并引

坡公以史遷紀安期生干楚亡去事慨歎作詩  
余考史記樂毅傳太史公曰樂巨公學黃帝老  
子其本師號曰河上丈人不知其所出河上文



人傳安期生安期生教毛翁公毛翁公教樂瑕  
公樂瑕公教樂臣公樂臣公教蓋公蓋公教於  
齊高密膠西爲曹相國師時方士假安期以惑  
孝武而遷軌著安期生平學術散見於樂毅田  
橫各傳烏乎微矣坡詩作於儋耳余亦讀書徒  
所偶次其韻以補坡所未及云

安期師河上黃老學深通年壽不知紀四傳始蓋公入  
海例出關紫氣神行虹清淨肇漢治守雌而知雄吾觀  
沛庭起固有黃帝風文景更好老喟然歎猶龍相國但  
張飲辟穀更赤松末派流刑名尉律課學僮遂有齊方  
士異說出如蠶欲訪無爲惜古矣今難逢

出次察罕陀羅海五月二十六日都統急劄追還

記事

子公棄敦煌恐爲遺虜笑方揚郅支功宜得長安召嗟

余衣偏衣崎嶇事閭嶠未獲襄老尸恥作孫歆報無赦

有新條懍懍十行

詔

時部章軍務獲咎戍員不准沿途督撫援恩詔保留不准納

贖旋奉旨佩

餘生

隨地適書題安絕徼邊風五月春

肺疾差堪療牛牢雜羊羴伴我書聲好策杖一泉清排

闔萬山繞雄鎮足懷荒孤亭頗遮要尺寸我所爭固合

永歌歎

俄羅斯欲得此爲商肆余以察罕要隘力爭罷議

深宵劍篋鳴豈有餘

光耀無端外國客叩門集羣噪頗疑雞林賈領略詩中

妙掘鼠方苦飢豈懼丁零盜一障山頭斬偶人都象肖

匈奴儻尋仇亦足快讒媚

和議既成孤拔以喪告有傳其斃於馬江者日本游歷使

赫田顧向造余求見卻之則以書白此事蒙古王公及各國商賈踵門者日數十人輦下流言都統恐滋事始

援烏魯木齊例  
追還張家口  
軍府重防閑  
何人走相告  
夜半火符來  
候吏咄賀弔  
差如嶺外流  
不次得遷調  
行屋初安牀  
橫峰正支竈  
囊中錢已空  
改計翻悔懊  
可憐檻中狙  
朝暮任顛倒  
僮奴理歸裝  
作意相慰勞  
姑遂旋風飄  
儻迴太陽照  
便是刀環徵  
萬事那人料

### 遷居城南

縱非吾土愛吾廬  
自翦蓬蒿分久居  
曲赦敢援梁馬例  
窮愁思續呂韓書  
虛留客坐時來鵬  
暗引溪泉冀得魚  
半郭半郊麤得所  
較量爽塏定何如

### 塞上食物將盡得乾魚數番下酒醉中作

突黔甑塵菜空盞  
盃頤忽動江湖想  
魚鼈難升吉甫筵  
植鯖媿肖胥靡象  
渾河汴濁不藏鱗  
那似清泠容結網

謫庖商度到薤物義不及賓堪一饗莫嫌乾枯少滋味  
觸手腥汗先滌盪固知受炙更芳薌何苦登盤仍木彊  
餘腊投地狗莫牙短缺辭門客誰餉可哀便似武夷君  
恨少虹橋孤月朗虛齋薄飯獨謀醉歸夢濡溼觸菰蔣  
稻花十里漲初肥徑尺生鮮觸竿上漁山止合具煨蠡  
緣木可憐逢罔雨空煩溼沫相响濡波臣肯乞升斗養  
孫叔殘羹枉自調子山小啟何勞倣由來休王配五行  
清廟供羞宜夏長大州獻鱠備堅剛籩人鄭重天官掌  
請看片片擲風濤喫酒成龍引千丈

用歐陽子斑斑林閒鳩韻寄內

斑斑林閒鳩幽閒稱逮匹不願阿閣巢但願不相失買  
鉅應靈雨擇條樂遲日均養母將雛和鳴呂協律吁嗟

人不如羣居飽桑實念昔喪家道子賢來繼室執掌從  
王事獨勞敢暇佚三百六十日醉日不得一入閨吠犬  
驚陟硿瘠馬扶壯往不顧私誓與陣雲歿已悲風志乖  
那避讒口嫉勞耳猶鐸鞞繫冠對琴瑟入門怪子瘦久  
疾神惘忽兩兒袞師驕謁醫恃有姪飛蓬强膏沐未語  
瓊瑰溢墮轂空啼聲阿兄頓異物甲申六月內人生男  
不育今年二月書兒  
亦殤家書未及也婦兄林淵蓄鱗羽蠢生恣聾耳問天  
甲申十月歿於西安何悠悠逼人獨咄咄由來禍有胎將雨月離畢邊海久  
不理髮亂誰梳擲曲突謀方開燎原勢殊疾利鈍不逆  
觀流涕獨造膝范韓有異同孫吳難髣髴執咎豈惜身  
江流恨猶鬱已占大蹇前且取家人吉從古夫婦情于  
役斯能述三復媿南容一肯免西乞身遠僮僕親家貧

故舊卹春風被塞垣冰霜不慘慄黥徒且可將版築亦

爲弼固知骨相屯終見德音秩寶釵婦淑書撫眉臣敞

筆山下燕支紅毳帳施甲乙轉勝割肉歸或煩大官劾

分寒衣擣砧博笑弓射質此斧質之質與下異試歌能烏烏促織

不唧唧謫所憂患同藥鑪憐脆質即今見父母時杜夫人在都

下陝西公改撫河歸安極親密就道黯驚沙恐子肝腎

怵心無獨夜煎期可三秋必扶病願對春放歸肯困紱

坐卷漠煙清臥夢嵩雲出雙雙挽鹿車偕老潛圭華陽

此詩一本尚有非字韻在一字下韻

寄題子涵槐陰靜憩圖次韻

瓜廬深築麕籬編玉割溪藤付巨然把臂更誰修竹坐

波形記我搞梧眠清池過雨嫩隅樂祕室生雲脈望仙

爭似圖中能憩靜澄心未易遣諸緣

再次韻寄子涵

謫居註易革初編靜候銷兵燧不然卻聽旗廬橫吹合  
憶聯文簞曲肱眠道南通共疏公瑾天末如何夢謫仙  
稍喜塞塵微雨洗尋碑山寺得僧緣

成山獄中寄和陶賴芍藥詩次韻奉答

人生如風花茵溷任顛倒惜春獨無言異哉秦吉了鬱  
鬱澗底松盤錯培根老依依菟絲條傾託苦不早傾託  
固不早蒼虬已夭矯樵斤空外音材大斲難小君看古  
神物例受衆嫫媠心堅寒不彫本弱棟且撓菀枯消息  
閒晚節全者少靈妃志拯世百藥親曬澡羣仙讚芝苓  
未服耳先飽況聆君子琴和聲不撫宛幽詠寄臺竹青

玉風庭曉

先生有題周忠介畫竹詩

遙情和草木耿耿馬繫阜感舊

憶紫微吾真被花惱一誠迴太陽萬類均大造竊吹谷地律清秋解苛燒小草自孤芳霜髯自合抱

六月新晴步梅氏菜圃用坡公雨後行菜圃韻

塞水苦無源一任雨消長臥聞駛湍鳴游情蕩篙槳負瓢且行吟隨流步蔬壤野老澹無機桔槔不俛仰將無梅尉仙便結桃源想亦有主客情茅柴欲具饗山果潤餘酸野花愜孤賞亂石自當流鬱作雲碓響三伏如晚春茹乳蕨未掌主人慎勿摘本根要培養

子峨秋達戍所

齟齬軍中閒勝將巡遠身後蒙奇謗隱忍不決鑄此錯別本枋頭宜枉狀塞翁得失心清涼且幸崎嶇各無恙



世傳君謫坐僕累握手歡然見胸量老龜禍桑合牽連  
大雁當風無背向君從鄉國溯元祐坡潁儋雷隔炎瘴  
采薇先輩許隨行天意矜憐豈流放家山更感主恩  
偏上谷緣邊接亭障嗟哉夢得有親存立馬秋原屢回  
望男兒出塞終壯游說劍霜天捲穹帳驚沙如箭刺面  
寒已勝船官春駭浪夜行賭射雪色鹿敕勒陰山恣酬  
唱縱聞交海已休兵側翅澠池期得當即今未可與世  
忘千日獨醉蒲桃釀鄴拳膠目自拔燿但恐駁霸不成  
王著漢十意唐一經發憤儒林何足尚

塞上秋熱用王荊公韻

木柴僵落白草摧禾麻殘立如枯骸邪氣襲逆中結韜  
忍汗不待七發枚焦頭頗苦張火繖炙膚無乃圍冰臺

大漠驕陽四千里沙石爛熳如燒灰使者飲泉渴不擇  
候吏背血誰矜哀九邊畏官甚於魅豈待荒旱生推埋  
我知酷虐匪天意道逢牛喘猶低回東南更聞厄霖潦  
憂勤何日堯眉開太息年時論邊事疏成殿閣涼風來  
癸未夏都下不雨塞上亦旱余請禱祈  
振貸疏上而是日大雨京師傳以爲笑

客心豫爲秋風摧與狐謀喪蘇病骸獨貪避暑勝河朔  
入握陰泉珠一枚炎官恐我不耐冷餘威直到單于臺  
邊人嘲是帶來熱吾養其內心死灰素琴自理那成操  
誰和萬壑松風哀清宵獨立感皓月虛鑑偶著埃霧埋  
大寒甚暑諒難久清商勁氣將還回闕地置冰亦何取  
方牀八尺琉璃開趺然無音絕襍襍笑問蠅蚋從何來

張萬全餽蟹王都司致菜各系以詩

文章未橫行夢感臨邛令山國以魚鼈誰云謬恭敬菊  
天憶江南解答青筐詠斯貺不獨享薑橙及尊行  
肉食吾漸鄙退休理齋甕大菰亦論斤價比肥羝重杜  
陵可憐人苛摘園官送荒菅請廢畦暇欲閉門種

白翎雀歌子峨坐中作

并序

白翎雀者元教坊大曲世祖時碩德閭所製也  
相傳雀能制猛獸禽駕鵝屢見於元人歌詠子  
峨得而豢之因取虞道園薩直齋楊鐵崖張王  
筍王梧谿五家詩意約爲此歌

明明嶰谷孤生竹不引鸞鳳對鴟鵂白翎異雀來何方  
大元天子頒教坊紫帳踏歌文殿煖誰遣哀絃追急管  
驚起昭陽第一人秋夜苦長春晝短歌成御苑賜金歸

鳥落邊城識者稀丞相府中奇欲奏紇干山上凍猶飛  
朔風夜起駕鵝勁野燒秋肥豺虎競此時倦羽沈孤鳴  
此地勞歌更誰做白翎雀爾生遲側目羣雄獨守雌不  
遇薛禪皇帝日卻來神保大王時勸君便緩霜禽縛倚  
醉重翻白翎雀燈前欲唱淚先橫毘幕驚沙月五更試  
問孤嫠低面泣可如逐客斷腸聲鐵崖序云世皇咬柳  
崔集榦柔上其聲類之梧谿則云伶官進  
曲世祖曰何其未有孤嫠怨悲之音乎

### 讀管子十首

制度雜王霸名論出孝宣豈伊德升降良由運推遷豕  
韋與大彭荒眇世不傳古今論霸術惟仲開其先桓盛  
不與子貳室重耳賢霸心生桑下殆感齊姜言畏威能  
畏民已得管之全內政善隱寄示信在伐原遂修怙荆

功主盟百餘年微管例徵禹生才非偶然

器小設或問魯論意夫中言中得由賜反復稱其仁黜

仲自孟始意匪抑齊人傷于道塞路竊管滑其真見列

篇焉知降大任興政在得民開市罷正布荒亡警游巡

道約而言要頗近七篇醇實予文不予吁嗟不召臣

前功師伊呂末派近關老班志列道家秉執固有道隋

唐史識陋源流不深攷厠之申商間牛驥乃同阜成宣

後無才上中配顛天蘭臺豈無徵定論著人表

建策官山海富強及百世陋哉桑大夫利競權酷細賢

良辨廷中鹽鐵固無弊近來國用簿獨謹牢盆稅形色

昧卅人算學流西裔出金助蚩尤兵勝擁狐芮吾思復

鐵官要令器械利有事簡軍資無事效會計

量人治軍舍支湊詳書涂片言扼兵要料敵在察圖頗  
疑地圖篇一一紀方輿傳者失其本九地矜闔廬沛公  
赤帝子劉秀赤伏符論功首蕭鄧形勢收襄區千秋一  
畫地博陸分賢愚案行武侯壘藩溷洪規模俞兒贊右  
涉老馬爲前驅異說勿夸尚坐使軍謀疏

代狐魯梁綈作計太瑣瑣石壁亦寓言所謀未必果輕  
重師其意交鄰權也可不憂用在賓當使利歸我貧者  
弱之原猾夏啟周禍大府算錢刀下農察瓠蘆我時問  
市政深懼術中墮吳語爾何人倔彊聊江左

大庖有不豆大勇有不鬪垂死論相材惜哉朋不壽飛  
鴻苦參差郭狗欲狂走想見君臣間公誠盡匡救平生  
爲國詘墮淚聆遺奏明允論已苛吾不取嘉祐

誰爲齊威俊猶勝劉元德一朝堂阜囚疊沐治高國三  
顧雖頻煩東行慨孝直臨危寄大事荆亡蜀翦翼森森  
軍令篇流恨街亭効散關自耀師渭南終少食流涕寫  
六韜不到嗣君側先主與後主勅丞相寫中韓管子六韜各一通未送道亡試殺杜  
參青宛記張儼默

牧民有常經大哉國維四子厚何偏宕廉恥屬之義強  
用後世語謬解古文字謂非管子言四維止於二得毋  
有激云禮樂爲虛器時令與斷刑大率皆此類端明雅  
嗜柳不以夢得比太息置斯文正俗有深意

嶽嶽房梁公豈屑事章句誰削博士名強託文昭注唯  
公天下才帷幄參謀慮一編疑得此奚取河汾沂貞觀  
四部書學士廣論著冲遠左氏學士勛穀梁疏二家頗

采擷箴起甬與預公亦登瀛洲了不問訓故徒勞輯晉書豈若訂管誤賢者合識大吾曹分蟬蠹

寄章夢所時以知府留直隸仍參使幕

男子自勞苦五年參幕下同阜慨先鳴百伐蹶罷馬明府始著鞭出羣汗流赭平生意本朝殷勤正堂舍信陵固好客異士競炙輠傳天資六翮不比腹毳把鑒物抱淵靜此人謹厚者秋請告遠猶留府屬忠雅挽尺惜進寸希音宜和寡馮翊諒爲真司馬且暫假豈屑傳侯鯖預聞卻官鮓低頭就微祿德方儻合瓦漁陽右北平農疇五沃野民思借使君流澤徧鄉社屋梁落月時甫也夢白也浩蕩我之懷百折桑乾瀉歸來戴茅蒲願言樹枌欂買田陳宮山山容殊澹冶高車過草堂話舊傾杯



辟

謝公瑕寄張字專記

來書云是六朝物

頗疑軒頡初造璽不以玉虞陶與周旅惜哉不著錄趣  
刻趣銷罵腐儒臣得黃石封留足吾非叔和子涪翁養  
生忍默將毋同舅家好古乃酷似持配日華十君子石  
墨寫書冰井臺銅雀殘瓦中研材六朝令辟一言信肘  
金斗大呼塵埃寸心不壞磨成鏡何取天下知名姓

竹坡見夢用杜工部夢李白韻索和

朔風吹雁聲到耳能酸惻欲繫一紙書朝書暮還息十  
年京洛塵斷續難尋憶吾心定所居何假端著測攬鏡  
須髮霜突煙面目黑何有胥靡徒肖形商翼翼故人儻  
神游蒼然寫邊色泠泠十弄琴覺後誰摹得

鬼神焉能通通者思之至縱復遽遽化難忘戀戀意猶  
矜名未老相見他年易側聞張羅門秋深無爵墜今寂  
昔豈喧往來祇同志苦記憂國容尚較閒居悴醉者全  
其真德人固無累勿似瀆上韋夢中更爭事

夢所以塞上無書假余日本影宋廣韻麻沙本杜

詩余求程易疇通藝錄汪仲伊大令

宗沂同在

使幕慨然輟贈與余初未相識也復用前韻寄

夢所並謝仲伊

與世敢相忘霸心桑落下誰云孔氏門辭賦用賈馬穹  
閭當北風兀坐萬山赭無趾猶務全吾忍鏤而舍百家  
騁殊塗推輪獨關輟頗笑揮翰手弓刀直誤把糟魄姑  
自欺逸篇求使者忠愛固稷禹音韻豈騷雅貴從海外

來祕本世蓋寡故人憐羈孤遠道許通假大嚼已快意  
況復鉤龍鮓石交有汪君連鐵欲引瓦篋中出一編授  
我空虛野似恐不材木無用將爲社說經尚通儒僕病  
未能也塞水難成河兩川相注瀉今將故技捐舍棗養  
梧櫝濟時望公等品類胥坏冶摩挲金琅玕報獻無燕  
聲

和東坡石炭

并序

石炭即今所燒之煤注家引漢地志隋王邵論  
陸游老學庵筆記頗詳備矣余更以水經注豫  
章記及宋人雜著證之石炭即煤無疑竊意說  
文無煤字炭从岸省聲即是石炭許訓燒木餘  
乃引申義史漢紀實廣國至宜陽爲主入山作

炭岸崩盡厭臥者少君獨脫此即北方取煤穴  
山被厭非燒栗薪也周禮掌炭之炭物鄭注謂  
山澤之農所出亦不專指木炭後世專以伐薪  
所爲者謂之炭而石炭轉假良煤字名之失其  
義矣坡公以石炭冶鐵作兵犀利勝常形諸篇  
什至今日而石炭之用繫於軍國誰謂文忠僅  
詩人哉余辛巳之冬嘗和此篇及謫塞上石炭  
出察罕者直昂臭惡鑛且告竭乃復續一詩前  
章覲復中國治卞之利後章深慨邊方食用之  
艱亦庶幾杜陵負薪白傅賣炭云爾

雷斧擊崖腎股斷防風骨節顛頤肝海國機心鑿窟開  
怒艦飛車恣畔換厚坤富媪蘊陰陽預輔蛟龍鑪底炭

壇升黑玉甃有文頡積青金炤不散西北家家足炊爨

周後卅圖請傳看歐冶薛燭亟物色折蘭盧侯斬銳悍

炎炎火山石可樵水經灤水下火山山樵炭錚錚鐵山戈乃

鍛漆身颯面人作勞何苦獠奴求阿段今治卅皆用素西為卅人故云

君不見塞南童土樵采斷樵子號寒衣至胷方筐拾得

馬通歸流人翻取名香換我觀廣莫山宛延上者金銀

下瑞炭單于不知利有孔但逐水草牛羊散土人然石

火風腥夜氣神苗更誰看五千山榮雜代貉莫笑巖頑

與石悍人居未稠地寶闕誰遷程卓業冶鍛鵠鵠斑斑

胡桃文貴官燒木論條段

### 奉懷河南公入覲

巖程孤抱指天閭奏罷民艱鬢已霜深夜疏燈論大漠

去年並馬入明光  
輿歌秦樹嵩雲外  
客夢鴻妻霸子旁  
苦憶祁公書下酒  
博浪不中分滄浪

昌隆寺孤松

寺在角臺山下石頭村

殘經臥佛隱孤峰  
誰呪飛泉養伏龍  
手撫蒼官宜作弟  
道光二十八年松

樹上懸一塔乃戊申三九日僧圖定手種

丙戌上元

今夜華燈繞建章  
三年襟袂酒痕香  
懸知玉坐頻南顧  
驃曲初停孔雀王

甌脫

甌脫非吾故何宜  
錯犬牙苦全秦柱  
壁合灌楚亭瓜勝  
算三城悔新圖六  
里差飲冰休內熱  
失計在隨查

春雪

鵲血難迴夜谷寒嚴城急漏獨憑欄春風不疊居庸翠  
萬木童枯到女觀

微風

山僧野老漸無猜誰激微風起薄埃縱惜癡雛重失母  
那逢惡鳩便行媒危巢久作三年計遠籟空流萬壑哀  
豈爲落花隅向泣堂深未礙遞傳杯

曼農省余塞上同游雲泉寺爲別用東坡與子由  
同游寒溪西山韻

故山菰蕨無一畦全家飄泊軍都西少游下澤合鄉里  
爲我長輻濂深泥且尋泉脈洗塵壒村沽不假尊罍攜  
橫沙亂水紛到眼但有驚雁無閒鷺積年殘雪尚封竇  
昨夜急雨初鳴溪柳不知春況三暑羲輪推凍聲玻璃

嗟我肝脾伏炎瘴忘歸決占寒巖棲野僧乞句已滿壁  
藏狸讓窟將成蹊須眉漸改語音變子勿見追徒慘悽  
阿奴歸去更碌碌莫更疏直遭排擠臨分苦語豈浪出  
懲羹未可疑吹齋萬羊鞭叱盡成石醒來落月圓如圭

酬吳清卿副憲兼懷誼卿

清卿時赴吉林與俄羅斯定界

使館清宵立月時風笳遙夜起相思涸魚自得滄溟闊  
黛柏從來巨廈遲海內三君吾豈敢謂伯潛吳中二俊世  
休疑喧傳比歲求賢詔獨和深春夢弟詩

萬行官柳手親栽雲擁征驂鳥道開壇坫亦能侵地返

兒童久望使君來臥麟飛雁邊隅別

擁壇代北隨飛雁頗足江東有臥麟

子由北使和坡句

細雨濃花海上迴

誼卿自還

偶向種人論家世

也應兼及小蘇才



夢所來守宣化過郡話舊賦贈

故人憐我滯刀環乞郡遙臨納款關久徙略諳田牧利  
聯吟須放簿書閒廣延宿士休懸榻便作州民決買山  
微有江湖流落感夢中重侶舊鸛班

漢家九郡競邊功論治終歸長者風平野禾麻新雨後  
前朝亭堠夕陽中早知上谷須元伯卻宴南樓憶鄭公  
逐客春來萍擲浪暫開襟抱一樽同

墨莊芍藥盛開夢所太守賞花一絕流誦邊城比  
余至則花事已闌矣用原韻口占斷句榮悴不  
同工拙遂異聊以解嘲而已

金縷歌殘唱折枝惻惻又過牡丹時無窮綠葉成陰感  
自是樊川到已遲

看徧新條與故枝羣芳消息競年時  
逐臣雙鬢西風裏老圃簪花儻未遲

孝達前輩致海南香雷州葛

一穗輕煙雨後山  
安心塵夢已全刪  
蔚宗多事成香傳  
便落膏昏甲俗間

驚雷飛電起無端  
五月披裘怯夜闌  
獨有故人知傲骨  
葛衣能敵九邊寒

買得繡毬兩盆

東閣窗前玉作圍  
香風流染侍臣衣  
鉞神一妒輕拋擲  
來伴奚官蹴踘飛  
洛陽花事漸爭新  
窄袖斜鬟十里塵  
獨與內家留舊樣  
分明綯作射堂春

賀子峨得孫用坡公賀子由生第四孫斗老韻

有嬾能娛親米爛時具沐有男更抱嬰并華初試浴羨  
君門戶壯坐見公侯復康成昔廢錮便便五經腹流慶  
廬小同報施殊未足聞君譽佳兒力學來問目已喜爨  
餘松鬱此階下玉支危須棟隆救燠豈杯沃會當湔積  
恥軍威震破竹吾儕即終棄憂國謀宜熟趣成黃石編  
密令子孫讀滄溟卷洪濤五嶺發靈矚大哉比干符英  
物可預卜勿笑愚公愚移山願勤督

夢所過塞上留宿劇談戲成四絕

覺音自是斷經過未覺龍門勝雀羅稍惜故人留宿地  
我非荷篠卻橫戈

東坡人厄我天窮變滅分明海市風僥倖洞簫狂道士

姓名不入黨碑中

夢所嘗夢已為東坡所夢之道士後身余使閩時為君書登州海市詩於

扇頭以為今日流落之識

伏波那冀雲臺畫越石終遲廣武鞭萬事讓人先著去

更爭虛後與王前

口不談兵頗自韜對牀微覺意蕭騷歸心切切謀田舍

尚說元龍意氣豪

夢所謂余豪氣未減

贈李紀堂孝廉

景綱

兼示兩兒用昌黎符讀書城

南韻

愛蘭慎爾湛教馬求爾與陶令已忘世猶有誠子書全家徙荒徼寂若逃空虛蒙泉涓涓發頗思養其初但令好紙筆豈望充吾閭邊方苦僻陋師道非相如寥落雪堂客叩缺嗟無魚自與搢紳絕敢怪親舊疏肯來得君

子夏屋慚渠渠平生縈龍技下擾犬與豬迷津卷蠶翳  
大月明蟾蜍空鉗下蘗麴新釀浮玉蛆書聲警曉夢道  
氣光匏居古云人師難非君更誰歟吾曹一經裘大賈  
千金儲辛勤兩兒子欲乞君硯餘不願氣佶僇乃賦狂  
童且塵願質撲慙相從帶經鉏放歸或有日鄉山策跛  
驢荷篠槃澗曲二頃求新畬先生不我棄敝廬堪糞除  
諒君重一諾嬾曳朱門裾燕趙固多士明我非私譽北  
風薄南郭亂葉堆寒墟圍鑪茗香泛殘雪書帷舒君雖  
不嗜酒設醴聊沾諸三復驕兒篇進學毋踟蹰

丙戌重九用坡丙子重九韻

親友望我歸我歸固無家茱萸徧朝士何必手得花茶  
香足當酒半鈐通犀窰野果亦可口不辨橘柚祖堂堂

白日出迅如赴壑蛇杜陵老未達登臺動咨嗟君看田  
閒飲年豐話桑麻或有臨江閣孤鶩飛落霞斯世同一  
醉秋心浩無涯橫風吹雁過萬樹樓昏鴉

故人夙戒我同舉北山雲乘興忽中敗勞哉章使君今  
年山雨足高土生苔紋奔流下冀野麋沸如湯沍恤鄰  
不閉糴佳節敢犒勤荒居尚得蟹惠與三老分此邦歲  
獨樂蔬蕨緣溪漬我憂亦何補閒入麋鹿羣盡遣百朋  
從隨在生幽欣鄰翁爲我計便乞營田耘

薄暮石秀才儒珍自宣鎮至欲陪余登雲泉山不  
果呼酒夜酌便用前韻贈之

誰齋龐通具直入淵明家籃輿欲命駕山僧亦無花清  
泉自寒冽絕磴時敲窅晴沙莽千里厯厯見翟祖猛石

伏如虎長川曲如蛇挾君幽并氣望遠空吁嗟俯仰憶  
陳迹知舊餘疏麻佳長賸獨笑山月斟流霞君來已不  
寂爛醉吾生涯何必登高賦戲墨聊塗鴉

處士水北隱游蹤漠南雲屢騎將軍馬久客平原君口  
數卅六國燦若掌上紋我心已止水波濤不紛沄雖羨  
投筆壯肯輟蒔藥勤雄談五斗後不覺靜夜分老坡瘴  
海謫新居枕江濱西鄰翟夫子索漠聊爲羣眼前此異  
客秋谷春欣欣勿預龍山會從我歸耦耘

自笑

鈍根自笑困陳編經不能神筆未仙鄭學麤通嫌引緯  
坡詩細讀嬾參禪淵源何取孫王辨門戶真知洛蜀偏  
一卷乍開猶異說固應朝市動紛然

夢所贈雙鴨籠而還之用東坡章質夫送酒六壺

不至韻

臥甕初開芋火明兒曹指動勸杯觥秋來逸少勞分遠

王右軍有雙鴨帖秋來未得始是嘗新遠能分造但深佩耶老去東坡學放生莫倚

能言驚驛使可堪折項餉朝英網羅直到空中鳥何日

溪田許釣耕

過軒祠有感

黃神坐運斗威儀寶鼎貞符處處疑想像萬靈來接地

躊躇七聖有迷時算家迎日天難測垢土無風夢不知

止是老聃清淨理未應末派到巫醫

苴藉茅龍豈故宮當年神教峻高穹征誅禍急威弧矢

渾沌機開采鐵銅水火五行雷電合舟車萬里地天通



漢家直爲明堂誤封禪餘聞土木功

縹緲九山海上行居然營衛列縱橫空桑何處傳夔吼  
孤竹頻年寫鳳聲合有星精扶帝極已憑雲瑞定官名  
那聞鬼哭因文字坐讓蚩尤作五兵

山園水市壯都居赫濯聲靈太古初蹴踘竟留新造法  
盤盂豈是誤收書齋壇龜鶴封金檢畫壁熊羆擁玉車  
且戰且仙知未暇垂衣偃革欲何如

夢所招余過郡欲補重九登高之約王總兵

可陞

聞守有客攜酒就飲亦無忤也醉中口占示夢  
所

菊天日日皆重九霜圃留花況未開落帽豈宜戎服集  
繞籬恰有白衣來誰知殘照蜚狐口不減西風戲馬臺

便與邊庭留故事詞宗武庫忝恭陪

和夢所居庸九日韻

秋色無南北人心自淺深  
毫枯搜獵兔絃靜下歸禽  
老守行千里長城互百尋  
駝鈴詩思倦爭似戍樓砧

讀莊子十首

漁父滄浪趣共尋消搖意較遠游深  
史家莊屈宜同傳一種離騷閔楚心

人道陰陽禍有胎商於未割絕齊回溢傳  
喜怒風波起不得諸梁備使才

廟門豈竟憚爲犧卻曲迷陽鳳德衰老我  
空存三尺喙宜僚孫叔要同時

壞羣散植丈人功濮水心期渭水同  
禮聘頗殷威政弛

先生不顧釣絲風

鄒嶧殊塗證馬蹄一篇舐篋豈空詆兩家各用春秋例  
未許懲荆屬盜齊

圃畦抱甕定空勞亦有機心豈桔槔忽北儵南紛鑿窟  
可憐渾沌術誰操

大鳥飛鳴肇霸圖寓言聊避罪言誅雕陵諷喻無人解  
卻取微辭宋大夫

子原非我我非魚強抑蓬心過孟諸目極鷓鴣猶嚇鼠  
惠施空有五車書

誰傾蘇海記祠堂末派瀾漫本義亡易用王韓莊向郭  
清談何止誤朝章

儒道同流妙不傳我搜漢義亦蹄筌可堪十七家章句

更有涪翁解內篇

當歸酒歌

余乞酒法於宣守令子頌民上舍

恆豫

出新意

爲合藥酒一器名之曰當歸酒醉歌報之

君不見阿瞞封題閒子義空貯當歸無一字帶劍升階  
願不酬蕭條六縣分戎寄又不見輔漢將軍屢合圍但  
有遠志無當歸良田萬頃竟蕪穢晚屯沓中避讒譏英  
雄割據今何有未若眼前杯在手蠻邨謫墮自風流還  
創先生真一酒我聞酒官致異方文螺激盪琥珀光亦  
有五陵游俠豪家子朝剡新豐暮餘杭先生謝未達再  
拜不敢嘗郎君怡然敬父執手洗餅罍新井汲內府黃  
封久不來仙人瑤草何時拾山蘄麝大葉似蘄桐君甘

之雷公辛識名知味古來少范子計然張揖郭璞徒紛  
紛焉尾蠶頭不用苦分別投以清醪猶令寒者溫夜砧  
斷續霜筵緊積憂萬古銷難盡瓦盆羊胛舞白題鮮卑  
莫按思歸引漢酺風到夜郎天今夕春色生窮邊邊城  
一滴當歸酒曰歸曰歸義在歲莫采薇篇吁嗟乎種豆  
豈相思種花花將離胡不種秫水之湄胡不種藥山之  
垂不然呼兒將出千金之裘五花馬換取美酒供傾瀉  
青精子黃獨苗服食長生空復勞歸去來兮便尋醉鄉  
老海內故人莫取文無招

當歸酒詩和者甚衆復以二絕寄夢所

醉中了了徹禪機多事閒僧問是非嬾向新羅求附子

故人在寄蜀當歸

僧問鼎州梁山巖禪師如何是祖師西來意師曰新羅附子蜀地當歸余

爲下一  
轉語

南海使君六從事風軒不到到雲泉桑乾淺碧乾歸酒  
合與生黎法並傳

夢所書來盛稱新室之美促余過郡戲成長句  
州宅何曾似越中自夸素壁畫圖工祇應布被平津客  
聊避弓閭廣莫風木石生雲山氣紫主賓對雪酒顏紅  
新詩美政流傳徧便恐虛聲到蓋公

北海軒十首

夢所爲余築室署中余取東坡贈章質夫詩南  
海使君今北海句榜曰北海軒爲文記之復作  
此詩

漢迹竟掃地片石不復遺溪冷泉聲苦悲哉行役詩區

落雜鳥九亭堠荒青夷太守今詞伯陋俗思潛移邊屯  
不校獵禮室頗求師茫然似人喜此意寂者知久交況  
忘形豈復悲孤羈此堂此主客風流惜在斯

今無古或有東坡亦南遷白鶴峰上宅遺躅猶千年禁

網雖云密長吏爭款延質夫六壺酒風軒詩足傳我無

東坡趣君定思堂賢

東坡集有章質夫思堂記

家風固好客百榼償

華筵今夕竟何夕此樂後勝前

何世無東坡何時有北海舉家納黨魁不顧俗流駭康  
成禁錮餘遂作三公待古道漸凌夷交態浮雲改睡美  
五更鐘消息聞時宰淒涼驛屋居還作張中罪放逐感  
明時刑餘勞糞灑笑我不冠來何曾設醴急繩搨他年  
塵上谷圖堪采

黃能突羽淵絕倒文舉書

文舉與王朗書語

我笑王會稽迷謬

東冶餘醜顏就朝列並肩華子魚男子貴自立萬口任  
毀譽烏林蒙衝艦官渡辟厯車羣雄迭強弱那復關孫  
吳吾今不復敗百折意自如稽天卷巨浸坐譚豈良圖  
吁嗟諫用兵意與方平殊

曾升 天子階亦預英雄席當時湖海閒豪氣頗百尺  
焉知遂天涯來作北海客當歸空見遺髀肉誰相惜攬  
鏡一愴然對雪須髯戟

東坡慕北海喻人還自喻薦表誤孝章讒誣出鴻豫平  
生愛才心禍患不暇慮二公亦何辜大名難久住三復  
和陶詩來者憬然悟唯應傾濁醪領此飲中趣

謫居問何學所願則東坡學坡苦不似道逢春夢婆天



猶憐我寂特遣賢守過天侔藥可致潘衡墨同磨

袁子久

君送藥墨工胡衿贈墨

樂哉十日飲日日顏爲酖直道尚三黜吾

少何蹉跎惠州齋廚索儋州鬢毛皤嗟余彌堅壯得天

視公多命宮坐南箕謗口時傳謠或傳先生死先生方

醉歌

時京師有傳余死者故戲及之

既樂東坡樂亦憂東坡憂傳柑感夙夢空憶齊眉羞崔

徽記贈答綺語不足收

章質夫寄坡崔徽真余喪班香時夢所嘗勸余買妾故以爲記

慰問及侍者能無弔莊周鼓缶豈作達恤緯不自謀手

定伏波碑目極黃河流著書示兒子蟲魚未暇讎傳我

枕榔杖非謫乃其游

中郎徙朔方側睨王智舞惜哉北海尊不作北道主契

丹問三蘇宦轍限定武惜哉中山醪不入捫馬乳遐方

草昧開韻事吾曹補徒所即嵩邛偏裔今齊魯嬾隨李將軍短衣看射虎

南遷旣苦煥北遷又苦寒寒威豈云苦但苦水石頑我欲作竹樓千里無好山太守善選勝營此屋五間我無覆瓦勞君有隱几閒南京饜所欲強起婦治餐射堂萬木古夜葉疑風湍遽遽入歸夢浩蕩江湖寬不知有元祐何論漢建安神游羲軒上陶然有餘歡

乙酉季冬樂山撫部寄惠河曲冰魚徵詩甚急書爲驛吏所誤踰年始達塞上時樂山已開府湖北矣戲成一律寄之

河鯉由來美寒庖并野蔬貢鮮分逐客水族足山居對雪仍開甕經年始報書江湖不道遠急致武昌魚

哭李紀堂

信我譏讒日崎嶇犯塞塵來從田子泰竟死李元賓趙君  
州士輔謀歸骨儒冠信誤身兒曹悲戀意終夜淚沾巾

以文選善注授阿復並簡夢所

蕭梁以來重文選集釋尤倚崇賢功俗口雌黃誚書籠  
要與詩箋騷注同想見殺青寫定本臣善手錄傳臣豈  
拾遺早與北海契疑得鴻寶祕枕中古今自闢詩世界  
直薄漢魏追國風晚將選理獨傳子此念無乃私不公  
嗟余結習珍綺麗偶拾香草資童蒙阿復崢嶸好頭角  
辟呬而對經麤通便宜操縵及詩事若翁聲譽長揚宮  
自云文辭頗妨道壯夫不爲陋雕蟲雖然幼學有次第  
要識流別同朝宗文饒家法不蓄選意在矯枉吾勿從

君看子瞻挾盛氣呵斥德施識凡庸顧矜善注手不釋  
字字赤琥兼黃琮前掩羅該殆培塿後掃五臣真蟻蠊  
就中逸書往往見殘經逸史胥包籠國朝儒流競疏  
證如呂生子根於鐘豈惟逸思想陶謝芟落八代瀾迴  
東與君日下角詞賦並驅何止文章雄君今一麾困簿  
領我更臥守荒亭婆獵餘疲馬偶相遇入門豪氣空如  
虹賸將末技望後起小年筆掃千人鋒我家兒子亦不  
劣眼前況得荀家龍餘事和聲自鳴盛相期命達過兩  
翁

獨游昌隆寺哭洪琴溪

龍邱老就任延死正則魂餘宋玉招

夢所為琴溪弟子

破廟承

塵疑故宅

琴溪書來云寺有江南風景嘗游息於此

塞江流枿咽寒潮

居燕

湖臨江方披襟一面緣何外投杼三言恨未消策蹇經  
禁書樓行眠食地西風殘淚灑僧寮

讀易

積迷生夢始多門洗垢求瘢定見痕豈竟登徒讒宋玉  
豫防諸葛救虞翻微波不起心如井大漠能游道有藩  
讀易早明消長運相忘何暇著新言

夢所招賞墨莊芍藥仍用前韻卻之

妥紅重簇去年枝坐上賓僚盛一時郡圃自應生瑞物  
帶園無分到衰遲  
含稜最好受風枝無奈人趨爛漫時合有花神難致客  
寶冠珠網獨來遲

夢所關射堂爲圃屢寄嘉蔬賦謝

射堂嘉樹萬扶疏更闢芳畦手自鋤坐笑穿楊真末技  
行看種芥有新書風生畫戟凝香暇雨足春犁賣劍初  
儻父自矜羊酪美試評羹豉味何如

斂戢雄心久閉門瓜疇何處引泉源元脩難致鄉人種  
臣甫常叨地主恩恰對山花自開落且賒市酒雜清渾  
翁同合有閒田在歸去惟應學灌園

夢所和前詩並寄佳果新豆次韻奉謝

筠籠禮意不稍疏判牘餘閒又把鋤快雨催成行菜句  
好風傳寶送梨書預留竈火然萁久徧摘溪毛入畫初  
捫腹問誰知此味周妻何肉累紛如

煙樹森森隔薊門軍都偕隱即桃源薜蘿各有言歸願  
芻秣終多未報恩和答深情過元白腥膻陋俗化羌渾

平生自斷鋤犁手先理寒畦築小園

五月韋儒至塞上出詩相慰即用其韻

酒痕曾記別杭州兒女燈前洗積憂  
溽暑備嘗關塞險微官終困稻梁謀  
飄零同谷三人瘦牽挽臨臯十日留  
世事醉中休細說悠悠毀譽盡虛樓

始得伯潛書時築室石鼓山中以詩寄懷

十年同夢躡天梯

在都時有同游石鼓山之約

自屏尊罍急鼓鼙一

觸網羅江水闊幾回書札塞雲迷

君先寄三書均未達閒琴自理

龍潛聽裂素難投蠹壤題已是結鄰乖夙約放歸我亦

濶于西

孝達以蜜漬荔支餉公瑕公瑕分贈塞上並寄墨

荔畫扇謝孝達及見懷二律次韻報之

長安一騎價喧騰，獨洗猩紅水墨澄。  
松籟動搖風袖雨，茜羅融溢露囊冰。  
赭珠南海分千斛，碧酒東樓釀幾升。  
總爲詩人名字重，堆盤馬乳敢齊稱。

八閩瘴潦九邊霜，空憶瑛盤賜上方。  
重譯交犀同罷貢，一庭越鳥忍誇香。  
莫愁太史周南滯，何減將軍樹下嘗。  
著蜜薄刑還自惜，可憐妃子汗溫湯。

謝夢所贈瓜蓮藕

瓜有故侯風，荷爲君子節。  
託根雖不同，氣味各芳潔。  
今年畿郊旱，窮谷猶煩熱。  
鬱勃在肝腸，焦枯到喉舌。  
故人念渴者，分甘意親切。  
素藕閒綠房，脩系引秀颺。  
灑然飛雨來，快若清渠決。  
心田有蘇苗，兩府無嚴鑄。  
閩蔗蜀荔支小哉，視之蔑吁嗟。  
畦沼閒農女，相玩擷焉知。  
用及時。



不戰炎氛滅，滯葉無棄材。歷久蘊香洲，三年學大道。漸得憤中說，拓習祛積疑。萬理歸一徹，吾病勿藥喜。何暇求丹訣，時耳疾君為定方君看今日詩，爽口如冰雪。

夢所治藥兒嶺工竣遂修居庸石道寄詩美之

石牛舊迹偶槎通，猶為揚君特紀功。填谷伐山通此道，北行誰說入囊中。

西狹初刊鄘閣平，黽池五瑞應精誠。誰知掾吏衡官外，罰作繇徒亦署名。郡人乞余撰蛇醫崖碑並預以居庸治道碑見屬

壁挂枯松下，激湍車聲九折壑。雷盤歸程預想吟鞭樂，水帶山屏緩轡看。

右臂作痛彌月歌以起之

不挽九石弓，不撫七絃桐。三年曲肱枕北風，天生此手

竟何用胡爲拘攣搢搢百患來相攻霜蹄小蹶不騰踔  
病翅欲舞憐穠種臂化爲雞窗下語謂此神佑非天窮  
先生一抵掌屈橫能爲縱入門俯坐客塵毛奮擲談辨  
雄但令貴戚相斂避自攬六轡孤乘驄焉知千夫指爭  
集短狐暗射沙濛濛鬼薪折掇白粲舂百金無藥龜隆  
冬茫然四顧一搖手不得猶且終宵運筆撰說叢及今  
小休息一節偶罷全體充酌以忘憂酒導以靈壽筇支  
離或免役優游歸作新豐翁不然時來折臂猶三公我  
聞強起忽狂笑士能截腕難僂躬長揖將軍信兀傲木  
材接續今更難爲恭焉能僕僕走秦楚苦以小體撓心  
曾君不見張侯矢貫肘抱鼓嚴軍容國人耳目屬郤克  
誰知流血輪殷紅又不見子公淩寒出西域谷永耿育

訟其功可憐兩臂不信訕頽唐臥守邊亭笑人生何者  
非遭逢吁嗟乎善射射難封善書書不工柳生冥伯豈  
必意蹶蹶靜玩物化神行空無官何待託風痺獨疴不  
餌千年松公等誠不能案摩折枝爲長者吾能挾山超  
海獨障狂瀾東

雁十首

高柳猶吾北邊庭候未殊商音滿天地歸夢警江湖道  
遠呼號急河長氣力孤四圍弓繳起獨夜枉銜蘆  
一雁何殊色空羣世所驚蕭條仍北鄉艱瘁爲南征叫  
旦冰難解悲秋月自明主人終不殺矜惜尚能鳴  
行列由來整臨江急陳開滄洲非信宿衡浦豈驚迴雪  
爪深誰辨風毛逆不摧楚鳧兼越乙無迹任疑猜

今日桑乾曲橫飛帶晚暉驚弦渾欲墮繫帛敢求歸飢  
擇中原粟寒催絕幕衣輕鷗同拍水閒在早忘機  
枉嫁燕山壻東西未有家也甘遵渚陸終是隔風沙病  
榻繁砧杵嚴城咽鼓笳可憐無夢到零落水荳花  
笑爾徒劬瘁何曾飽稻粱死生仍不改老穉賸相將偶  
飲三危露來陵九塞霜固應關運理一性但隨陽  
得路鵝鴻迴依人燕雀多朔雲千里戍秋水萬重波中  
澤陳周雅榮泉入漢歌孝王池上客莫竟例駟騶  
不作冥冥舉謀身計本疏參差乖半路憔悴少安居亦  
有開籠鵠偏雁挂網魚幾回勞答問原闕帝城書  
初聽淚沈瀾經時強自寬爲奴聊忍辱久客慣禁寒關  
海橫衣帶迴峰俯彈丸圖南如一舉羽翼肯摧殘

頽落陳思賦情傷筆自遁鬚毛孤枕兩肝鬲五絃秋樂  
土誰堪託窮荒我獨留莫因關垓險波際漸沈浮

飲酒

到耳風濶自決排陶然飲酒即心齋忘衣頗欲吟三適  
竦劍何煩作九懷便爲李陵原有路豈能顏闔亦無崖  
軒軒欲舞鴻濛遠不得齋肩淚注偕

以鼯鼠鬚寄公瑕作筆

右軍繭紙蘭亭序我斷鼠鬚非栗鼠白雲分族殆仙支  
蜀鼯江鼯豈同祖近來名家重兔毫銳利豈不如錐刀  
朝彈失儀暮錄制大戟長槍嗤汝曹窮荒穎異誰羅網  
索漠丁零竄煙莽未屑弓裘屬將家管城頗蓄封侯想  
免冠髮禿中書君及鋒未若髯超羣一身衣被天下煖

一手化成天下文皮相紛紛何足貴指揮或且張如戟  
願締平生翰墨緣往配龍茶銅綠格青昆子鮮卑兒相  
約毋忘束縛時石渠勲勞待魯直不數猩猩毛筆詩

### 長城

獨立長城下邊風襲敝貂未迴秦地脈能絕漢天驕九  
塞無真險諸侯自入朝中原茶利害互市互山椒

### 夢所贈菊用原韻奉謝

地鑪氈履境深幽晚節禁霜爲我留天上日精誰辨別  
滿城蕭艾絢清秋

欲將上谷吉无咎

余謫居齋名

遠比東坡德有鄰未用酒錢

分十萬素琴一曲自忘貧

仙人一滴寒潭水那爲羣公強駐顏朔雪商風俱不到

中和氣在漠南山

花如中酒頰先酡客自凌寒鬢未皤  
墜露落英飡飲便騷家顧領卻因何

來詩悽惋不可讀

寄高陽師時奉命鄭州行河

舉朝動色議寘河棗野陲成又瓠歌  
漢使博求中策贅禹功利導下游多儻  
遲竹落三旬塞豫怯桃花二月波  
今日狂瀾仍隻手兒童走卒歎公皤

東坡生日用覃谿庚申韻

東坡病翁晚何似意廣才疏北海相  
子中豈復惜名節三謫行詞紛誚讓  
黨禍終罹滂傳中文章尚駕韓潮上  
剛折明煎實自招百吠隨聲定誰唱  
焉知盤錯廊詩心山月江風無盡藏  
故人造鄧徧東南黃簷片石爭蒐訪

眼前粵荔武昌魚

時樂山孝達以魚荔寄塞上

羈人北向公南向謗

滿方知命有憑道孤微悟書多妄酒冷香消夢見之徹

夜邊聲疑海漲經說修成我亦歸

時輯先生論語說

長留畫像

凌巖嶂

哭夢所

長河潤九里蒙福及京師  
沍陰起相戰迫日歸崦嵫朝  
聞麥歧誦夕成薤露詞邊民  
竟何罪春氣不得施問倉  
倉無粟問學學無師婦不繡  
而市農不犢而騎陸行斷  
崖壓水行流冰嘶君來子得  
母一一謀其私不覺民俗  
改但怪君力疲髮亂不暇沐  
長牘已已披呼囚跪階下  
情得不忍咎黠吏俯首笑守  
愚將見欺他日視郡獄有  
鵲巢其枝羣盜忽遠徙貪人  
皆自危君猶日汲汲小車



周邊陲戴星出復入問父老所宜父老杖而拜使君來  
何遲來遲去則疾天意人難司疫鬼抵隙入方相勿驅  
之谷代所分野厥氣犯積屍七日得正斃子女隨以萎  
我夜犯寒來滿眼餘孤嫠仲冬燈燭下勸我盡一卮恐  
我還戍日值君趨府期不然有急召或取別道馳風花  
不自定便無相見時怪君語微誤用作笑劇資豈君善  
易理生死能預推在昔我來此俟我堂乎而堂左張素  
琴堂右列彈棊炙鵝或校射繪鯉同哦詩今日我來此  
當門張素帷夷槃設牀下芻靈齊戶楣賓佐淚承睫僮  
媪涕交頤問君遺何言欲言氣如絲問君歛何具短被  
仍縫治側身忽南望七十親年衰有喪敢不告告恐驚  
母慈柩中若有聲留憾靈猶悲百姓請立石諸生請立

祠祠石即云立死者不可追孫叔爲廉吏無以恤其兒  
王成有特傳何郡猶傳疑平生志爲善爲善乃如斯表  
君我無力賻君我無貲君頗愛我文銘誄當我爲把筆  
不能就繞屋徒嗟咨魂乎儻歸來北風卷靈旗

再哭夢所

五馬初調二豎深經年官樹豈成陰學堂垂像名終朽  
閣道刊碑字易沈伯武歸時餘賜絹子猷絕後並亡琴  
叔子毀卒仲亦繼亡羅池便有迎神曲未解羈人歎逝心  
神城隍  
民閒傳君爲郡

酬子壽丈

瀚海初非物外蹤漸從蕭散到疏慵梅魂已返風猶勒  
丈有飲梅花下懷成山及鄧人柳色將春雪更封儘有  
詩時成山出獄治滇南銅鑪

小詩那禁體

問丈與賓僚屢和歐蘇禁體雪詩

轉因退筆似藏鋒

丈別紙論

公取謂余書敘剛銳之氣於

三峰清削蘇州賦誰伴香

山曳瘦筇

時丈授蘇州布政

### 五泉詩

余性嗜茗飲塞上高寒水味殊清冽三年謫所以意品第之凡得五泉各系以詩後來地志水記不能廢也

自絜以為名濟世功誰屬譬之有道人知白固守辱大哉洒惡仁善源不忍獨何故使我茲萬口紛垢黷小立俟其定瑩澈流寒玉潛德民無稱山深自洄洑百濁同一清何分纓與足我欲解塵襟身心相澡浴

取斯水盡沃有妄人目為垢泉余以瓶承其流味甘美

映雋色亦清絕因為改題曰滌泉萬全知縣張上縣欲建滌泉亭其側會調官不果

梅尉大雅材肯溷吳門市老圃吾不如苗裔豈居此山

花不知名山酒自然旨遠脈儻潛通未異谷簾水一勺

澄心源洗伐徧毛髓殘甃已不完泐痕蒼籀似灌樹樹

琴聲蒔蔬蔬玉理我歸翁亦潛無人知姓氏梅井通渠皆蔬圃水濁土疏菜味皆惡惟梅氏井水獨佳紫

茄白莧為塞上冠一叟年七十餘殊古樸不類邊荒

太保來相宅上都同澗壘至今秘玉尺龍岡自宛延荒

巖豈黎水野語未必然靈源亦久涸為我重涓涓蒙正

與井冽殆得易理全惜哉藏春集孟卿偶失編人知太

保頓不知書記泉風流儻未沫名與南屏傳書記泉距察罕陀

羅海五里而近有溪流雨則隱旱則出蒙古謂之蘇吉

水亦曰黍稌水相傳劉秉忠初欲定都於此繼而改卜

上都其東一峰峭立曰太保頓蓋劉所憩息處余因悟

秉忠初名聰書記蘇吉黍稌皆書記之語轉耳光緒乙

自五月出塞道喝道此水復出既

寡人不暇仙仙者時相就一瓢樵夫泉百斛行婆酒山

中四時春誰云此邦陋煙禽戲澄潭霜松夾靈竇不聞

雞犬升但見麋鹿壽貴家矜水遞瓶甕相輻輳誰知在

山清礪齒石為漱歸來腸隔閒世味不能受灌花泉

四子溝之南有一山為元時隱人所居花木秀異山下

村落人皆老壽夏秋閒時有樵人負野花來與以值即

置花去不單多寡也一日飲其漿中水美甚遂並留其

囊問家何所曰四子溝花及水何來曰山中久之樵夫

不再至清秋多暇與一老兵策雙衛訪之途中兩驛集

急叩一酒家市酒解雨氣老嫗出應門酒亦美甚視其

後園則野花雜開不可名狀問以前村有古樹百餘即是矣

山中水也問四子溝何在曰前村有古樹百餘即是矣

雨霽復行五六里至溝人家亦頗修潔松栝夾道異鳥

翔起父老據石而談若無意於客問泉所在或答或否

樵人酒媪蹤跡亦無識之者

萬落起亭逦不擾禪心靜鉢底呪龍蟠巖前馴虎猛卓

錫三十年禪房一燈影說法非生公耽書何智永貝葉  
摘煙中真文獨心領墨海無凡泉喝石下修綆雲來經  
自香佛古泉逾冷脩然此精廬人境非人境寫經泉  
明永樂間  
昌隆寺僧法空有高行以  
水不濁絮自開一井寫經

讀三國志

扶風豈足當龍門得其筆者安漢陳六十五篇簡不煩  
帝蜀帝魏空紛紜爾時割據方三分天下英雄操使君  
子如仲謀非犬豚吉利閱世有此言南陽之龍漢宗臣  
抵掌亦憚曹與孫當時惟有髯超羣志在混一清中原  
事雖不效氣已吞升壇交分兒戲論畫然史例何精純  
如山交脈水異源夏侯見之筆研焚茂先讀之吐握殷  
華嶠陸機吁後塵四海鑿齒爾半人名帝章武媚晉元

世期作注採擷勤收拾穢雜何舊聞九藥乞米謗不根  
甚者乃疑壽父髡論史見與兒童鄰十年賦手雜溷藩  
鼃龜句吳鵲庸岷三都強與分主賓後來正統聚訟喧  
不朝四夷定一尊小儒何取爭空文

酬伯潛山中寄懷原韻

謫居終是近長安山界焉支未覺寒讀易尚平通損益  
玩書越石雜悲歡雅游遷迹青苔滿羸病求方紫桂殘  
舉世相非猶不沮恃君高唱洗汗漫

各從危苦得輕安經始山廬橘柚寒白馬浮沈憂國感  
烏羊嫁娶奉親歡即今海岸抽簪逸憶共朝班聽漏殘  
歸理漁蓑吾道在閒鷗煙外水瀾漫

釋戍將歸寄謝合肥相國

捐棄明時分所甘無家何處著茅庵便憑黃閣籌生計  
願寄滄洲得縱探冰積峨峨幾止北鳶飛跼跼征南  
負芻越石嗟枯槁門下虛煩解左驂

別察罕用坡公別黃州韻

邊城誰謂久牽轡三見修蘿翠作幃司隸漸安長子徙  
中郎豈分朔方歸未迴天地空橫未儘有煙波許拂衣  
堪笑癡兒頻數日驚猜赦宥尚疑非

驛突羈縻肯受戰申椒狼籍恥充幃屠龍伎倆彈家效  
射虎功名論贖歸郊外三年宜以玦牆陰七日感無衣  
篋中職貢殘圖在黑水驚湍觸物非

時緬甸已淪  
西藏多事

張口瀕行志壁

余謫處三年所居一花一木均與流連野寺荒



城頗留行跡情不能忍臨別各賦斷句

張口

敬祖孫守上谷魏張太封沮陽侯有作隱語稱余爲張口者故戲及之

馮翊莫忘祖沮陽宜建侯誰喚張張口應非柳柳州

山鼎館

山鼎矜獨秀不倚古松栽嬾作神龍化時招野鶴來

易窗

易範非殊派箕文本一心更生五行傳經術老逾深

書庫

緩遠將軍定安引對蒙定安奏曰終日讀書

慈聖垂詢天顏甚霽

坐爲孫吳誤空談紙上兵邊人未知學翻得讀書名

饒爲齋

兩兒讀書所

海上有諸虞斜川就小蘇老夫歸誓墓應坐汝曹愚

茶竈

學士賜頭綱那得乳泉品塞上不虛來水味吾能審

菊畦

余以殘茗澆菊雪中  
花大如筵作微綠色

茶經開別派菊譜有專家已戒陶公酒應名陸羽花

東鄰

微月上東鄰棠梨皓如雪邊風徹夜吹無奈塵沙蟻

西鄰

西鄰一何有一犢一兒子我騎犢即馴我讀兒輒喜

鎮遠城樓

坐久童山碧來頻塞草青三年雨不厭邊色際空冥

范氏蒲桃園

蒲桃何垂垂晚風酒初醒南果競盧楊誰破橫藤徑

營城寺

簡本如能書  
時與往還

野寺非辨才頗進缸面酒留衣與大顛能外形骸否

別子峨

我歸君待滿獨客强支持朋舊驚俱逝羈窮惜暫離尚  
憐須藥物稍喜及瓜期莫羨生還早無家淚暗垂

別石秀才用山谷次石七三韻七首

泥飲渾忘今故閒居詎是放流徧歷靈亭聖水分明福  
地仙洲

大翻山頭短筇披裘賣藥塞翁不作空函殷浩那成建  
節終童

縈策頗能調馬雅春未礙傳經不爲酒人零落十日尚

思小停

謂夢所

門下敢容仲遠坐中樂得車公

君欲執弟之禮卻之

昨夜黃麋製

曲今朝玉塵生風

一局未終爛柯歲月駸駸奈何硯水頗枯太白瘴塵竟  
老東坡

北叟早知倚伏時人妄分重輕百折居庸我恨一條脩  
水君情

脫韝霜隼一圍揮絃風雁孤飛入塞不煩相送無田未  
測何歸

歸次居庸

當路泉鳴積翠環盧公隱迹白雲閒如何海內矜人望  
祇占軍都半畝山

八達嵯峨勢建瓴誰云設險有常形一篇痛哭昌平記  
字字堪當劍閣銘

建武深資大耿兵控弦萬騎即長城徙民關內知何策  
豈獨輪臺悔易生

今日居庸國北門春風散作九邊溫醉中未覺從軍久  
虎嘯蛩歎賸夢痕

山程曙色警荒雞芳草年年舊轍迷緩鞚歸來驚燕樂  
風光流轉帝城西

追悼

腸斷魂消未死前更無人處有啼鵲浮雲幻盡三年態  
朝露虛留一夢緣耿耿望夫真化石深深埋玉早成煙  
衾裯動鬱山河恨儻結來生更惘然

詩卷三